

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«___» հունիսի 2014թ.

N___Ա

ՈՐՈՇՈՒՄ

**«ԴԱՎԻԹ ԱՆՀԱՂԹ» ԲԺՇԿԱԿԱՆ ԿԵՆՏՐՈՆ» ՓԱԿ ԲԱԺՆԵՏԻՐԱԿԱՆ
ԸՆԿԵՐՈՒԹՅՈՒՆԸ ՎԵՐԱԿԱԶՄԱԿԵՐՊԵԼՈՒ ԵՎ ԱՆՎԱՆԱՓՈԽԵԼՈՒ ՄԱՍԻՆ**

Ղեկավարվելով «Բաժնետիրական ընկերությունների մասին» Հայաստանի Հանրապետության օրենքի 18-րդ և 22-րդ հոդվածներով, 67-րդ հոդվածի 1-ին մասի բ) կետով և 68-րդ հոդվածի 2-րդ մասով, «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 14-րդ և 23-րդ կետերով՝

Երևան քաղաքի ավագանին որոշում է.

1. «Դավիթ Անհաղթ» բժշկական կենտրոն» փակ բաժնետիրական ընկերությունը վերակազմակերպել առանձնացման ձևով՝ ստեղծելով «Քանաքեռ Ջեյթոն ծննդատուն» փակ բաժնետիրական ընկերությունը:

2. Անվանափոխել «Դավիթ Անհաղթ» բժշկական կենտրոն» փակ բաժնետիրական ընկերությունը՝ «Դավիթ Անհաղթ» պոլիկլինիկա» փակ բաժնետիրական ընկերության:

3. Առաջարկել Երևանի քաղաքապետին՝ սահմանված կարգին համապատասխան ապահովել «Դավիթ Անհաղթ» բժշկական կենտրոն» փակ բաժնետիրական ընկերության վերակազմակերպման և անվանափոխման գործընթացի իրականացումը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԴԱՎԻԹ ԱՆՀԱՂԹ ԲԺՇԿԱԿԱՆ ԿԵՆՏՐՈՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ՎԵՐԱԿԱԶՄԱԿԵՐՊՄԱՆ ԵՎ ԿԱՆՈՆԱԴՐՈՒԹՅԱՆ ՓՈՓՈԽՈՒԹՅԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

«Դավիթ Անհաղթ» ԲԿ» ՓԲԸ-ն հիվանդանոցային և արտահիվանդանոցային ծառայություններ մատուցող բուժհաստատություն է, որը ձևավորվել է համաձայն Երևան քաղաքի ավագանու **2011** թվականի հունիսի **24**-ի «Քանաքեռ-Զեյթուն» բժշկական կենտրոն ՓԲԸ-ի վերակազմակերպման մասին» թիվ **260**-Ա որոշմամբ՝ առանձնանալով «Քանաքեռ-Զեյթուն» բժշկական կենտրոն ՓԲԸ-ից և հանդիսանում է նրա իրավահաջորդը՝ բաժանիչ (առանձնացման) հաշվեկշռին համապատասխան: Չնայած բժշկական կենտրոն լինելու հանգամանքին՝ բուժհաստատությունում մատուցվող հիվանդանոցային ծառայությունները սահմանափակվում են միայն մանկաբարձական և ոչ բարդ գինեկոլոգիական տեսակներով, չեն մատուցվում վերակենդանացման ծառայություններ:

Պայմանավորված առկա շենքային պայմաններով (վերջին վերանորոգումն իրականացվել է **1980**-ական թվականներին), ժամանակակից սարքավորումների բացակայությամբ՝ բուժհաստատությունում վերջին տարիներին անընդհատ արձանագրվում է ծնունդների թվաքանակի անկում: Այսպես՝ **2010**թ արձանագրված **754** ծնունդի դիմաց, **2013**թ ծնունդների թվաքանակը կազմել է **454**, կամ նվազել է շուրջ **40%**-ով: Ծնունդների նման թվաքանակի պայմաններում հնարավոր չի եղել ապահովել ծառայության ինքնաձախսածածկումը: Այսպես՝ **2013**թ արդյունքներով ծննդոգնության ծառայությունների մատուցման մասով վնասի չափը կազմել է ավելի քան **42.6** մլն դրամ, ինչի արդյունքում աճել են բուժհաստատության կրեդիտորական պարտքերը՝ այսպես, եթե **01.01.2013**թ դրությամբ բուժհաստատության կրեդիտորական պարտքերը կազմել են **39.7** մլն դրամ, ապա **01.01.2014**թ դրությամբ՝ **54.8** մլն դրամ, կամ **2013**թ ընթացքում կուտակվել է շուրջ **15.1** մլն դրամի կրեդիտորական պարտք: **01.03.2014**թ դրությամբ

բուժհաստատության կրեդիտորական պարտքը կազմել է **62.1** մլն դրամ: Բուժհաստատության կրեդիտորական պարտքերի կուտակման հիմնական պատճառ է հանդիսանում մանկաբարձական ծառայության մատուցումը: «Դավիթ Անհաղթ ԲԿ» ՓԲԸ-ն հանրապետության միակ բժշկական կենտրոնն է, որտեղ նույն բուժհաստատության կողմից մատուցվում են միայն պոլիկլինիկական և մանկաբարձագինեկոլոգիական ծառայություններ, որոնց համատեղելիությունն առանց հիվանդանոցային ծառայությունների այլ տեսակների մատուցման արդյունավետ չէ: Դրա արդյունքում խզվում է բժշկական միջամտությունների իրականացման հաջորդականությունը: Նշված խզումը շատ ավելի ակնառու է դառնում գինեկոլոգիական ծառայության՝ «Քանաքեռ Զեյթուն ԲԿ» ՓԲԸ-ի տարածքում գտնվելու հանգամանքով (ծննդատան մասնաշենքում տեղակայման անհնարինության պատճառով):

Հաշվի առնելով, որ վերակազմակերպման արդյունքում «Դավիթ Անհաղթ» ԲԿ» ՓԲԸ-ում մատուցվելու են միայն արտահիվանդանոցային ծառայություններ, ուստի անհրաժեշտ է բուժհաստատության անվանումը համապատասխանեցնել մատուցվող ծառայությունների բնույթին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԴԱՎԻԹ ԱՆՀԱՂԹ ԲԺՇԿԱԿԱՆ ԿԵՆՏՐՈՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ
ՎԵՐԱԿԱԶՄԱԿԵՐՊՄԱՆ ԵՎ ԿԱՆՈՆԱԴՐՈՒԹՅԱՆ ՓՈՓՈԽՈՒԹՅԱՆ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԱՌՆՉՈՒԹՅԱՍԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ
ԿԱՍ ԲԱՑԱԿԱՅՈՒԹՅԱՆ ՎԵՐԱԲԵՐՅԱԼ**

«Դավիթ Անհաղթ բժշկական կենտրոն» փակ բաժնետիրական ընկերության վերակազմակերպման և կանոնադրության փոփոխության մասին» որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ՏԵՂԵԿԱՆՔ

**«ԴԱՎԻԹ ԱՆՀԱՂԹ ԲԺՇԿԱԿԱՆ ԿԵՆՏՐՈՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ
ՎԵՐԱԿԱԶՄԱԿԵՐՊՄԱՆ ԵՎ ԿԱՆՈՆԱԴՐՈՒԹՅԱՆ ՓՈՓՈԽՈՒԹՅԱՆ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԿԱՊԱԿՑՈՒԹՅԱՍԲ ԵՐԵՎԱՆ ՔԱՂԱՔԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ
ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՎԵՐԱԲԵՐՅԱԼ**

«Դավիթ Անհաղթ բժշկական կենտրոն» փակ բաժնետիրական ընկերության վերակազմակերպման և կանոնադրության փոփոխության մասին» որոշման նախագծի ընդունման կապակցությամբ Երևան քաղաքի բյուջեի եկամուտներում և ծախսերում փոփոխություններ չեն առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ